



REPUBLIKA E KOSOVËS - REPUBLIKA KOSOVA
REPUBLIC OF KOSOVO



KOMUNA OBILIQ - OPŠTINA OBILIČ - MUNICIPALITY OBILIC

Nr. Br. No. 06-104102-17942126

Nr. i fq. / Br. str. / No. pg. _____

Data / Datum / Date 24.06.2026

OBILIQ - OBILIČ - OBILIC



REPUBLIKA E KOSOVËS
REPUBLIKA KOSOVA - REPUBLIC OF KOSOVO
KOMUNA E OBILIQIT
OPŠTINA OBILIČ - MUNICIPALITY OF OBILIC



Thirrje për Shprehje Interesi

Drejtoria e Shërbimeve Publike dhe Emergjencia (DSHPE), në kuadër të Komunës së Obiliqit, që synon ngritjen e shërbimeve të transportit publik, me fokus të veçantë në shërbimet e transportit me autobus urban, fton operatorët ekonomikë privatë që ofrojnë transport publik, në kuadër të vullnetit të tyre, që të shprehin interesin e tyre për të operuar një (1) nga linjat e transportit (apo grupin e linjave), me tarifë kompensimi të paracaktuar, që do të paguhet nga Komuna, € për km për nisje, me kusht që të përmbushen kriteret e mëposhtme:

Një listë e përkohshme e linjave (apo grupit të linjave) dhe km për nisje vjetore përkatëse, duke vënë në dukje se përmbajtja e secilës linjë (apo grup të linjave) mund të jetë subjekt i ndryshimit para dhe pas nënshkrimit të Kontratës së Shërbimit Publik.

Kjo Thirrje për Shprehje të Interesit mbështetet në Vendimin e Kuvendit Komunal me nr. 01-060/01-11804/26, datë 29.04.2026, dhe nenin 17 të Ligjit nr. 04/L-179 për Transportin Rrugor, si dhe bazohet në Rregulloren për Transportin Rrugor në territorin e Komunës së Obiliqit me numër 1-117, datë 26.10.2015.

Gjithashtu, kjo nismë është pjesë e riorganizimit dhe përmirësimit të transportit publik dhe monitorimit të ofrimit të shërbimeve të transportit të udhëtarëve me autobus.

Operatorët ekonomikë të interesuar duhet të shprehin interesin e tyre duke paraqitur dokumentet dhe dëshmitë e mëposhtme:

1. Të japë deklaratë, letër/konfirmim me shkrim për plotësimin e të gjitha kriterëve dhe kërkesave të kërkuara;
2. Të sigurojë leje/licencë/certifikatë të automjetit për transport publik, të vlefshme për ushtrimin e aktivitetit afarist për ofrimin e shërbimeve të transportit të udhëtarëve në Komunën e Obiliqit.
3. Të jetë biznes i regjistruar në Agjencinë Kosovare për Regjistrimin e Bizneseve (ARBK). Ju lutemi paraqisni dëshmi: Certifikatën e regjistrimit (kopje e noterizuar).
4. Vërtetimin nga Zyra e Administratës Tatimore që vërteton se operatori ekonomik nuk ka borxhe ndaj Administratës Tatimore.
5. Vërtetimin nga gjykata se nuk është nën hetime ose nuk ka ndonjë ndalesë ligjore. Ju lutemi paraqisni prova origjinale.

6. Të ketë selinë në territorin e Komunës së Obiliqit. E dëshmuar me Certifikatë Regjistrimi nga ARBK.
7. Të japë një listë të autobusëve me targa të vlefshme për linjën (apo grupin e linjave) për të cilën aplikon (kopje e noterizuar e dokumentit të regjistrimit të flotës) dhe listën e personelit dhe lejet e drejtimit të tyre.
8. Secili operator duhet të aplikojë në linjën e tij ekzistuese, në të cilën është pajisur me licencë dhe rende të udhëtimit nga DSHPE.

Të gjithë operatorët ekonomikë inkurajohen të komunikojnë dhe bashkëpunojnë mes vete dhe të tregojnë vullnet bashkëpunimi për ngritjen dhe zbatimin e standardeve të shërbimit në transportin publik.

Operatorët ekonomikë që plotësojnë kushtet e sipërpërmendura do të kontaktohen për të diskutuar mbi "Kushtet e Plota të Angazhimit" dhe, në rast të përmbushjes me sukses të kriterëve, operatorëve ekonomikë do t'u ofrohet një kontratë për ushtrimin e aktivitetit të biznesit për ofrimin e transportit të udhëtarëve në Komunën e Obiliqit, linja urbane, në kohëzgjatje prej 12 muajve dhe do të fitojnë të drejtën e nënshkrimit të kontratës për ofrimin e shërbimit të autobusëve.

Letra motivuese e titulluar "Shprehje e Interesit", e nënshkruar dhe e vulosur, e cila përmban deklaratën - letër/konfirmim me shkrim mbi përmbushjen e të gjitha kriterëve dhe kërkesave të kërkuara, së bashku me dokumentet/dëshmitë e lartpërmendura, duhet të dorëzohen në Komunën e Obiliqit në afat prej:

24.06.2026 deri më 01.07.2026, ora 16:00.

Vërejtje: Kërkesat me dokumente të pakompletuara nuk do të merren parasysh.

Drejtoria e Shërbimeve Publike dhe Emergjencë

Drejtori Valon Svirca

